



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e-mail: info@voda.ba

Broj: **UP-1/21-3-40-279-8/23**
Datum: **20.10.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica «MARIĆ PROJEKTI» d.o.o. Žepče za donošenje Rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije objekta samouslužne autopraonice, izgrađenog u naselju Goliješnica, općina Žepče, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «MARIĆ PROJEKTI» d.o.o. Žepče daje se vodna dozvola za ispuštanje tehnoloških otpadnih voda u prirodni recipijent sa lokacije objekta samouslužne autopraonice, izgrađenog u naselju Goliješnica, na zemljištu označenom kao k.č. broj 11/6 K.O. Goliješnica, općina Žepče.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se u roku važenja ovog Rješenja izvedu radovi predviđeni dostavljenom projektnom dokumentacijom, odnosno da se ugradi separator masti i ulja. Separatoru masti i ulja mora biti omogućen pristup zbog čišćenja i održavanja.
 - 2.3. Da korisnik predmetnog objekta, za vrijeme trajanja ove dozvole, a nakon ugradnje separatora masti i ulja, obezbjeđuje da se tehnološke otpadne vode iz samouslužne autopraonice nesmetano sakupljaju i odvođe do objekta predviđenog za tretman onečišćenih voda (separator ulja i masti), a zatim ovako tretirane vode ispuštaju u obodni kanal uz magistralni put.
 - 2.4. Prečišćene tehnološke vode moraju ostati u maksimalno dopuštenim granicama definiranim članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.5. Objekte čija je svrha odvođenje i prečišćavanje tehnoloških otpadnih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.7. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.

3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 1 (jedne) godine od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «MARIĆ PROJEKTI» d.o.o. Žepče, dana 07.07.2023., podnijelo je zahtjev za izdavanje vodne dozvole za ispuštanje tehnoloških otpadnih voda u prirodni recipijent sa lokacije objekta samouslužne autopraonice, izgrađenog u naselju Goliješnica, na zemljištu označenom kao k.č. broj 11/6 K.O. Goliješnica, općina Žepče.

Uz zahtjev nije dostavljena dokumentacija koja je propisana članom 12. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) te je dopisom broj: UP-1/21-3-40-279-2/23 od 03.08.2023. godine, zatražena dopuna dokumentacije neophodne za vođenje upravnog postupka od strane ove Agencije. Podnosilac zahtjeva dopisom broj: 03-09/23 od 04.09.2023. zatražio produženje roka za dopunu dokumentacije, što je i odobreno dopisom broj: UP-1/21-3-40-279-4/23 od 08.09.2023. Investitor je dopunio zahtjev u traženom roku.

U provedenom postupku dostavljena je i pregledana sljedeća dokumentacija:

- Ovjereni kopiji Rješenja o registraciji broj: 043-0-Reg-18-000221 od 09.03.2018. izdatog od Općinskog suda u Zenici,
- Ovjereni kopiji Uvjerjenja o registraciji poreznog obveznika od 16.03.2018. izdatog od Porezne uprave FBiH-Kantonalni porezni ured Zenica,
- Dokaz o uplaćenju upravnoj taksi,
- Kopija Rješenja o uporabnoj dozvoli UP-I-broj: 03-19-5-611/20 od 12.03.2020. izdatog od Službe za graditeljstvo i prostorno uređenje Općine Žepče,
- Kopija Rješenja o odobrenju građenja UP-I-broj: 03-19-2-480/20 od 12.02.2020. izdatog od Službe za graditeljstvo i prostorno uređenje Općine Žepče,

- Kopija Rješenja o vodnoj dozvoli broj: UP-1/21-3-40-287-4/22 od 08.07.2022. izdatog od «Agencije za vodno područje rijeke Save» Sarajevo,
- Izvještaj o monitoringu kvaliteta i kvantiteta otpadnih voda objekta samouslužne autopraonice „MARIĆ PROJEKTI” broj: 777/23, maj 2023., urađen od «Inspekt-RGH» d.o.o. Sarajevo (na uvid),
- Glavni projekat – vodna saglasnost – samouslužna autopraonica, Žepče, Goliješnica, šifra: 92.VS.PER.X/23, oktobar 2023., urađen od «PERSPEKTIVA-inženjering» d.o.o. Visoko (na uvid),
- Konačni izvještaj o izvršenoj reviziji projektne dokumentacije, oktobar 2023., urađen od ZAVOD ZA VODOPRIVREDU d.d. Sarajevo (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-279-7/23 od 12.10.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat samouslužne autopraonice je izgrađen u naselju Goliješnica, uz magistralni put Zenica-Doboj, općina Žepče. Parcela na kojoj je izgrađen predmetni objekat se ne nalazi u zaštitnim zonama izvorišta vode za piće, kao ni u vodnom dobru i poplavnom području vodotoka I kategorije,
- Za predmetni objekat ranije je od strane ove Agencije, doneseno Rješenje o vodnoj dozvoli broj: UP-1/21-3-40-287-4/22 od 08.07.2022. godine. Uslov tražen tačkom 2.2. dispozitiva naprijed navedenog rješenja je ispunjen, odnosno urađen je Projekat vanjskog uređenja-hidro faza. Radovi predviđeni projektom nisu izvedeni.
- Samouslužna autopraonica se sastoji od četiri natkrivena boksa za pranje vozila, te jednog nenatkrivenog za pranje većih vozila, te pripadajućih saobraćajnih i manipulativnih površina.
- Tehnološke otpadne vode od pranja vozila se prikupljaju sistemom betonskih kanala sa rešetkom i kanalizacione mreže, te zajedno sa oborinskim vodama sa prilaznog platoa, preko armiranobetonskog dvokomornog okna ispuštaju u obodni kanal uz magistralni put.
- Saobraćajne i manipulativne površine su završno obrađene asfaltom/betonom sa padovima prema slivnim rešetkama.
- Snabdijevanje vodom za tehnološke potrebe se obezbjeđuje putem priključka na gradsku vodovodnu mrežu kojom upravlja JP «KOMUNALNO» d.o.o. Žepče.
- Na uvid je dostavljen Izvještaj o monitoringu kvaliteta i kvantiteta otpadnih voda objekta samouslužne autopraonice, maj 2022. godine. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «MARIĆ PROJEKTI» d.o.o. Žepče, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-279-6/23 od 11.10.2023.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

za Po ovlaštenju:
Rukovodilac sektora za izdavanje vodnih akata



Haris Aljehović, dipl.inž.građ.

Dostaviti:

- «MARIĆ PROJEKTI» d.o.o.
Goliješnica bb, 72230 Žepče
- AVP Sava, ISV-vodna knjiga
- sektor 50
- ☉sektor 40 – arhiva
- oglasna ploča – AVP Sava